

錦繡萬花谷

三十一

舊刊錦繡萬花谷

三十九冊

錦繡萬花谷卷之三十九

天類

崖公

散樂呼天為崖公教坊記

耀靈

吳質笺注云耀靈日也李善文選

濯耀羅

外國呼日為濯耀羅真誥

望舒

月御也文選

封姨

封十八姨風神也廣異記

巽二

風神名巽二起風滕六降雪幽怪錄

滕六

雪神名事見雪門幽怪錄

青腰玉女

霜女名淮南子

山巾

包賀詩霧是山巾子
疋為水鞞鞋比夢瑣言
林逋云三招不見山巾濕
擬畫軒昂太白星

春興秋駟



仲長統曰春雲為輿秋風為駟後博物志

鬱華結隣

鬱華一名鬱儀鬱儀奔日之僊故曰鬱儀赤文與日同居結隣奔月之僊故曰結隣黃文與月同居雞跖集

白玉盤

小時不識月呼作白玉盤李白詩

銀盤

爛銀盤從海底出出來照我茅屋東盧仝詩

銀礫金環

稀星點銀礫落月墜金環白樂天詩

白榆

天上何所有歷歷種白榆文選

燭龍

淮南子燭龍在鴈門北銜燭以照太陰蓋長千里視為晝暝為夜吹為冬呼為夏青箱雜記

羲娥

持撫星象遺羲娥羲謂日娥謂月也韓退之詩

天公

庾亮云天公憤憤也

人類

縣官

前漢東平王宇傳今暑熱縣官年少注謂不敢指斥成帝故謂之縣官又霍光子禹傳縣官非我家將軍不得至是注謂天子又漢文紀詔曰民謫作縣官及貨種米者皆赦之武帝紀關東貧民徙隴西者縣官衣食不足請造白金以足用又天漢二年初推酒酤注縣官自酤賣也哀帝紀請田畜奴婢過品者皆沒入縣官食貨志募豪民田南夷入粟縣官而內受錢於都內注入谷於外縣而受錢於京師卜式傳會渾邪王等降縣官費衆貧民大徙皆仰給縣官式持錢二十萬與河南太守以給徙民孫寶傳南郡太守李尚墾田百頃上書願入縣官註請以田入官也武帝時縣官嘗自捕海魚魚不出後復與民魚乃出食貨注又聖宋拾遺大祖御樓御史中丞劉溫叟奏云故事非大省不御樓今陛下無故御之軍庶或聞有恩給之望上遽給內帑三千緡付縣官以自罰此類甚多

振房璇宮

皇后稱振房以振塗壁或云取振聊蕃衍之義漢官儀又拾遺記帝少吳母曰星娥處于璇宮

少海

山海經無臯之南山望幼海注幼海即少海也職林初學記皆云天子比大海太子比少海

前星

心火星天王星也前星太子星也前志

青宮春宮東宮

皆太子宮取震方之義

郎罷回

閩人謂父為郎罷子為回回音蹇顧况集

清非生

祥符中王綸有女晝寐覺聲家人往視問之謂父曰清非生初不識字忽善三十六體天篆又與父唱和後嫁復懵然不復能詩雅洛舊聞

倩

史記黃氏謂倩也壻也東洛間謂壻為倩

細君

見東方朔傳謂妻也故朔云割肉遺細君

嬌客

俗以壻為嬌客山谷詩注

冰叟

東坡詩竭從冰叟來游宦注衛介之妻父樂廣有重名時謂父翁冰清故云

貽厥友于

世謂兄弟為友于子孫為貽厥者歆後語也誰謂貽厥無基址取詩貽厥孫謀也朱浮云蹠血友于

杜詩山鳥山花相友于歇後語也洪駒父詩話

藁砧

古樂府藁砧今何在山上復有山何當大刀頭破鏡飛上天藁砧夫也以鉞斬人於鈇取聲同

宅相

魏舒少孤外家竈氏養之竈氏起宅相者曰當出貴甥舒曰當為竈氏成此宅相本傳

玉樓銀海

道書以兩肩為玉樓目為銀海侯鯖錄

眼水

謂淚也鮑溶詩

靈堅

黃庭經鼻神玉壘字靈堅山谷詩香從靈堅壘上發

黑甜

南人謂美睡為黑甜冷齋夜話

坐隱

王郎以圍碁為坐隱世說

解語花

謂美人也退之詩一醉解語花萬事盡也餅

蜺斗

散樂以歡喜為蜺斗教坊記

替戾岡

鶉語也替戾岡幽也晉佛圖澄聽鈴上語

沒梁斗

高駢命佐酒妓改一令曰口似沒梁斗妓曰川似

三條掾出秦冉思紀異記故山谷詩小人溺於得

君子溺於口古來犯時譏惟此沒梁斗

儻憊

集韻云惡言罵詈也

尊章

漢廣川王歌曰皆尊章嫖以忽師古曰尊章猶言

舅姑也今關中俗婦呼舅為鍾聲轉也

台三十一万

六

友壻

嚴助家貧為友壻所辱師古曰友壻同門之壻也

本傳

老姥為負

高帝紀常從武負貫酒如淳曰武姓也俗謂老夫

母為阿負師古曰古語謂老姥為負矣又周亞夫

傳許負相之應劭曰許負河內老媪也

母叔亦稱大人

易稱利見大人大人與天地合其德謂有德君子

前疏廣為太子少傅廣兄子受為家今廣謂曰官

成名立豈如父子相隨出關受曰從大人議又淮

陽王舅張博云王遇大人益懈注博自稱其母曰大人又後范滂稱母為大人左傳昭十八年閔子馬曰夫必多有是說而後及其大人注大人謂在位者

涓人

陳勝傳故涓人將軍呂臣注涓人如謁者涓潔主潔除之人也

太夫人

元帝紀注列侯妻稱夫人侯死子復為列侯乃稱太夫人

蟲類

芻尼

釋迦雪山修道芻尼巢頂上芻尼野鵲也傳燈錄

長喙參軍

猪名出古今注

烏金

唐拱州人有畜猪致富遂號猪為烏金朝野僉載

髯鬚主簿

羊名出古今注

羶根

有僧作蒸豚詩若把羶根來比着羶根自合喫藤條羶根謂羊也仇池筆記

黑牡丹

京師春遊以觀牡丹為貴有劉訓富人一日邀客共繫水牛數百在前曰此劉家黑牡丹也談苑

古旃

北虜有尼師都生四子一子化為鴻遂委三子謂爾可從古旃古旃牛也三子因隨牛牛所糞悉成乳酪酉陽雜俎

韓盧宋猎

並良犬名事見六帖

白望青曹

漢茂陵少年李亨好馳駿狗有白望青曹之名西

京雜記

青鷗白雀

大則青鷗白雀周處風土記

夜光霄燭

螢也古今注

照夜青

螢也鬼谷子

春鉏

鷺也注取其行若春

喚起催歸

韓退之詩喚起窻全曙催歸日未西無心花裏鳥

更與盡情啼催歸子規也喚起春鳥吟齋夜話

鈎輶

鈎輶格磔鷓鴣聲鷓鴣自呼其名本草

郭索

大元經蟹之郭索用心躁也林逋詩草泥行郭索

雲木叫鈎輶詩話

蟹奴

海上有蟹大如錢腹下又有小蟹附之名曰蟹奴

杜萱

單婢

俗呼小魚為單婢爾雅注

虞吏

寅日山中稱虞吏者虎也金樓子

當路

狼也同上

赤鱗公

唐律捕魚得鯉即放之號赤鱗公言鯉李也酉陽雜俎

六六魚

宋景文公詩尺素愁憑六六魚鯉魚三十六鱗青箱雜記

箱雜記

姊隅

晉郝隆詩姊隅濯清池桓温問何物荅曰蠻名魚

為姬鴈 劉義慶出

歸昌

七命采其律於歸昌注歸昌鳳名也

長離鸞鷲

唐薛收與姪敬德宗奇齊名世稱河東三鳳收為長離德奇為鸞鷲

主簿蟲

浙中無蝎因人為金壇簿携數十于公宇人呼為主簿蟲尚書故岩

紅叱撥

靈武郡有猫名紅叱撥及青葱色 酉陽雜俎

白鳥

蚊蟲 出金樓子

孔昇翁

大蜂為孔昇翁 酉陽雜俎

沙蟲

蝦也 雞邱集

金衣公子

唐明皇帝呼鶯為金衣公子 天寶遺事

綠衣使者

唐明皇封鸚鵡為綠衣使者以其能報盜姓名 孫供奉

唐昭宗號一弄猴為孫供奉

幕府燕間錄

石眉蟲

猿也

杜荀錄

碧繼翁

白鷺也

同上

海牛

黃魯直詩海牛壓紙寫銀鈎謂犀角也

南昌集

八百里

晉王愷奢豪有牛名八百里王武子以錢十萬對射一發破的探牛心一割而去

晉書

丹哥

道士趙自然以丹哥為鳳祕閣

玄衣督郵

龜也

古今注

河北從事

鱉名

古今注

河伯小吏

烏鑿魚也

同上

鳳子車

蝶之大者曰鳳子車

古今注

赤弁丈人

蜻蛚名

古今注

清江使

龜名 出莊子

食類

糝正將軍油蒸校尉

梁韋林作鱠表以刺人時詞曰鮠言伏觀除書以
臣為糝正將軍油蒸校尉睢州刺史臣聞高沙老
嫗非有意於綺羅白鮪女兒皆出心於之譏懼貽
驚巖之誚注高沙白鮪並江陵水名其中多魚鮠
音市演切與鱠同 雞跖集

食將

漢詔曰夫鹽為食肴之將 前食化貝志

五侯鯖

漢樓君卿遊五侯之門五侯饋餉君卿乃合煎和
之為鯖鯖音征與肱同 廣記

河祗脯

武夷君食河祗脯注乾魚也 雞跖集

天鬻炙

尾隴一名天鬻炙 海物記

酪母

酒滓謂之酪母 集韻

酪奴酪蒼頭

王勰謂王肅曰亦有酪奴因此號茗飲為酪奴言

與路粥作奴

揚徽之洛陽伽藍記

茗戰

建人謂鬪茶為茗戰茶錄

蕉飴

沙糖一名蕉飴集韻

寒具

晉人飲食中有名寒具者即今環餅也桓玄聚客觀書畫客有食寒具者不濯手執書畫汚之玄自是不設饅饅饅饅亦名寒具也雞跖集

籠餅

唐侯思止食籠餅籠餅即今饅頭也僉載

鑽離菜水梭花

僧有謂酒為般若湯魚為水梭花雞為鑽離菜東坡志林

醒酒水

山谷自號水精鱠為醒酒水南昌集

厨珍

山谷謝人蔬菜云玉人怜我長蔬食走送厨珍自不嘗南昌集

青州從事白墮

事見酒門

歡伯

號酒為歡伯焦貢易林

釣詩鈞掃愁篇

東坡作洞庭春色詩云應呼釣詩鈞詩亦號掃愁篇大全集

苞蘆

杜甫詩碧鮮俱照筋香飯兼苞蘆東坡謂蜀人呼魚鮓為苞蘆王褒曰新鯉苞蘆羹

麩米春

杜甫詩謂酒也

文籍類

黃妳

有士人讀書把卷即睡梁人因呼為黃妳言怡神養性也金櫻子

墨兵

孫樵謂史書曰墨兵羣玉集

不語先生

謂白氏六帖也談助

律先生字玄文

律先生姓古名贊字玄文謂律賦也文海

羊我氏

謂今經義也文海

金剛杵

唐薛保遜好投公卿巨編自號金剛杵撫言

苦海

鄭昌圖有一巨箱凡投贄有可嗤者即投其中號苦海會集閱之無不絕倒撫言

千佛名經

唐張倬頂戴登科記曰千佛名經撫言

百家衣

山谷以集句為百家衣本集

烏系欄

宋毫間紙有織成介道者謂之烏系欄李肇國史補

羽毛書

杜詩軍國急羽毛書注即羽檄書也戰連唇齒國

軍急羽毛書

草底

凡公家文書之藁中書謂之草樞密院謂之底三

司謂之檢州縣亦通名檢筆談

金條玉科

揚雄謂刑法為金條玉科續博物志

司空城旦書

漢竇太后好老子召問轅固固曰此家人言耳太

后怒曰安得司空城旦書乎注曰道家以儒法急

於律令儒林傳

牛腰

李太白詩云詩禿千兔毫書載兩牛腰

洗心經

繫辭聖人以此洗心遂虎洗心經

草木類

蒼官青士

樊宗師園記栢曰蒼官竹曰青士 群玉集

湖目

謂蓮花 酉陽雜俎

荔枝奴

海南人謂龍眼為荔枝奴

絳衣仙子

絳衣仙子過中元別華空枝去不還 蔡君謨食荔枝詩

昔邪

博雅曰在至曰昔邪在垣曰垣衣 雜俎

又海山仙人

海山仙人絳羅襦紅紗中單白玉膚不須更待妃

子笑風骨自是傾城姝 東坡大全集

窠數

在樹曰寄生在地曰窠數 方朔傳

石阿醋

石榴名 廣異記

九列君

抑神名事見科第門

木芍藥

開元初重木芍藥即今牡丹也楊妃外傳

療愁花忘憂草

萱草一名療愁花一名忘憂草草木異記

艾納

本草松皮上蘇衣也合諸香燒之其煙團聚青白

可愛

又見廣記

蕭碧

韓文聯句蕭碧遠輸委謂竹也湖蕪費携擊謂石

也蕪口街切

銷恨花

千葉桃花開明皇曰不獨萱草忘憂此花亦能銷

恨開元記

器用類

毛穎管城子中書君

韓退之作毛穎傳謂筆也

陶泓陳玄楮先

陶泓謂硯陳玄謂墨楮先生謂紙同上

毛元銳

文嵩號筆為管城侯宣城毛元銳字文鋒管城侯

毛錐子

弘肇方安國家定禍亂直須長槍大劍安用毛錐子乎蓋謂筆也五代史

尖頭奴

元魏時有朝臣古弼頭尖魏太武常名為筆頭又曰尖頭奴時人呼為筆公北史

楮知白

文嵩謂紙為華陰楮知白字守玄亦曰好疇侯文館書史好疇侯傳

松滋侯

文嵩號墨為易玄光字處晦封松滋侯

即墨侯

文嵩號硯為石虛中仍為作傳虛中字君默封即墨侯與宣城毛元銳燕人易玄光華陰楮知白同出處文房四寶

壽光侯

司空圖說鏡為容成侯又曰壽光侯物名要覽

敬元穎

亦謂鏡也廣異記

孔方我家兄

後魯褒作錢神論錢為孔方又曰我家兄本傳

莫難

扇之奇巧者名莫難鄴中記

便面

張敞以便面駙馬注曰扇之類也敞傳

忘歸金僕姑

並箭名志歸出文選金僕姑出左傳

青萍

劍名文選注

純鈞湛盧豪曹魚腸巨闕

越王允常聘歐冶子作五劍名吳越春秋

龍泉太阿工市

楚王三劍名越絕書

各三十九

十九

紫雷流星青冥龍藻屬鏤步光

皆吳王劍名古今注

孟勞

寶劍名博物志

龍淵推成

漢劍名賜韓稜劉壽陳寵

疥癘賓

唐顧彥輝有劍號疥癘賓本傳

孟青

唐侯思止謂決囚杖棒為孟青朝野僉載

彌尾青

元魏宋翻為河陰今有大枷曰彌尾青翻以置南
墻下以待豪右威振京師

青犢漏影

寶刀名 古今注

渠荅

具蘭石布渠荅注鐵蒺藜也 晁錯傳

犀渠

文選詩解佩襲犀渠犀渠甲也

木上坐

夾山問佛印和尚闍黎與什麼人同來曰木上坐

夾山曰在什麼處曰在堂中夾山便到堂中師拈

拄杖擲于夾山前曰莫是從須彌山得來師曰月

宮亦不逢見 傳燈錄

大黃

弩名 李廣傳

繁弱

弓名

銀鑿落

韓退之聯句澤髮背兜鍪醜顏傾鑿落又白樂天
詩金屑琵琶曹銀含鑿落盞盞飲器也 白集

金叵羅

李白詩蒲萄酒金叵羅吳姬十五細馬馱盞酒器

也又齊著作郎祖珽有文字多技藝而踈率無行
因宴失金叵羅於珽髻上得之近世以洗為金叵
羅若果為洗其可置之髻上乎未知叵羅果何物
也邵氏聞見錄

革華

謂皮鞋也封下邳侯韓退之作革華傳韓退之集

水車飛鳧

皆競渡舟別名荆楚記

倉琅根

漢成帝時童謠云燕燕尾涎涎張公子時相見木
門倉琅根燕飛來啄皇孫注倉琅根宮門銅環也

服匿

匈奴中於鄯王賜蘇武服匿穹廬注服匿小石罍
受二斗小口大腹蘇武傳

號鍾

齊桓公琴名六帖

響泉韻磬

唐李勉琴名劉禹錫佳話

繞梁

楚莊王琴名六帖

綠綺

卓文君琴名六帖

竹根

唐信詩野爐燒木葉山杯捧竹根

杜詩

輦婆

搜神記謂琵琶為輦婆

魚軒

左傳閔二年歸夫人魚軒注婦人車以魚皮為飾

屏面

即便面也孟扇之類也王莽常翳以雲母屏面非

親近莫得見

本傳

軍持

梵書謂淨瓶為軍持

釋氏要覽

撻椎

梵語但是金石瓦木有聲可以擊打集眾者皆名

撻椎

鉢塞

梵語鉢塞莫梁云數珠此是引接下根率課修業

之具也

並同上

追鋒車

魏高貴鄉公嘗與司馬望裴秀等講宴東堂帝性
急請召欲速而望在外特急馳追鋒車虎奔卒五
人每有集會望奔馳而至又雞跖集云司馬仲達
為魏將有詔三日之間詔書五至乃乘追鋒車至

注追鋒傳車取其速也

漏浴

禮記內則外不共井內不共漏浴漏彼力切浴室也

倣裝

張平子思玄賦曰簡元食而倣裝李善注倣始也

區脫

匈奴邊境為候望之室李陵語蘇武曰區脫捕得雲中告言上崩蘇武傳又匈奴傳

衣服類

短褐短袷

短音豎謂童豎之褐說文云襜褕短者謂之短袷杜子美詩短褐風霜入多使作短褐字義亦通

偏諸

若今織成以為要襻及標領之類者也賈誼傳

衣垂交輸

漢江充衣紗縠禪衣曲裾後垂交輸注交輸割正幅使一頭狹若燕尾垂之兩旁見於後賈逵謂之衣圭江充傳

諸于

元后名政君宣帝入掖庭帝擇後宮侍太子政君在其中衣絳緣諸于注諸于大掖衣見元后傳

襦

司馬溫公書儀注襦即今接也

祛袂

祛今袖口也袂今袖也

司馬溫公書儀注

褐

褐如今道士所着服是

張良傳

白接籬

杜詩醉把青荷葉狂遺白接籬注世說謂白接籬即今襖衫也

半臂

隋大業中內官多服半臂除即今長袖也唐高祖改

其袖謂之半臂

事始

純素輕綃

元帝顏師古注云純素綃也輕綃紗也

白恰

東坡寄題晁興州園地云縱飲坐中遺白恰幽尋近處見桃花注恰乞洽切冒也魏初有白恰之制猶白接籬白綸巾白冒也

白疊巾

高昌國有草實如蠶絲如纒國人取以為布軟白名曰白疊子南史桂甫詩亦云光明白疊巾

烏紗

杜詩百過落烏紗李白草裏烏紗巾坡詩白葛烏紗曳履行注白葛言衫烏紗言帽坡詩

田衣

佛往王舍城經行稻田畦畔語阿難曰過去諸佛衣相如是從今依此作衣相山谷詩多用稻田衲亦云田衣田衣謂袈裟也

一措巾

陳言率常惠東坡一措巾坡有詩謝之

下邳侯

皮鞋也封下邳侯退之革華傳

物理類

置牛骨池中水不涸

崇寧年西都大內悉苑中池水易涸或云置牛骨池中水不涸置之果然時范時老董役親見之邵武後錄

芸草去蚤虱

芸草古用以藏書曰芸香是也置書秩中即無蠹置席下即去蚤虱葉類豌豆作小叢遇秋則葉上微白如粉汗南人謂之十里香此草在數十步外已聞香邵氏錄

除蟲法

呂晉伯云除蟲法吸北方之氣噴筆端書欽深淵

默漆五字置之於床帳之間即盡除呂公正直非
妄者 邵氏錄

雞踰嶺而黑

鵠鵠踰嶺而白月虧而蚌蛤消露下而蚊喙折 沈括

啄木畫符

鷓鴣能勅故水宿物莫能害鳩能巫步禁蛇故食
蛇啄木巢樹穴中人或用木塞之能以紫畫符其
塞自出鵲知歲所在又有隱巢木鷲鳥不見燕營
巢避戊己日故不傾壞鶴有長水石故能畜魚水
不涸也 邵氏後錄

出火

油絹紙石灰麥糠馬蕃草皆能出火 邵氏後錄

菱寒芡煖

舒州醫人李惟熙論物理云菱芡皆水物菱寒
而芡煖者菱開花背日芡開花向日故也 志林

男女生仰覆

男子之生也覆女子之生也仰其墮水中亦然男
子內陽而外陰女子反是故易曰坤至柔而動也
剛書曰沉潜剛克 志林

果實沙爛者不蠹

木實之沙爛者不蠹瓜至甘而不蠹者以其沙也
此雖末理有不可欺 志林

。卷之九

